

中國藏學研究所藏文獻集

張羽新 主編

中國西藏及  
甘青川滇藏區  
方志彙編

學苑出版社

PDG

中國藏學漢文歷史文獻集成

張羽新 主編

中國西藏及  
甘青川滇藏區  
方志彙編

第十一冊

學苑出版社



圖書在版編目(CIP)數據

中國西藏及甘青川滇藏區方志彙編/張羽新主編.  
北京:學苑出版社,2003.9  
(中國藏學漢文歷史文獻集成)  
ISBN 7-5077-1862-X

I. 中… I. 張… II. 藏族-民族聚居區-地方志-彙編-中國 IV. K29

中國版本圖書館 CIP 數據核字(2002)第 078995 號

ISBN 7-5077-1862-X



9 787507 718621 >

書 名:中國西藏及甘青川滇藏區方志彙編(全 54 冊)  
作 者:張羽新 主編  
總 策 劃:孟 白  
責任編輯:洪文雄  
出版發行:學苑出版社 E-mail:xueyuan@public.bta.net.cn  
印刷裝訂:北京大興韓營古籍印刷廠  
開 本:850×1168 16 開本  
字 數:9900 萬字  
版 次:2003 年 9 月北京第 1 版  
印 次:2003 年 9 月北京第 1 次印刷  
印 數:1—120 套  
定 價:25800.00 元

# 第十一册目录

甘肃通志(下)

欽定四庫全書

甘肅通志卷三十四

人物

兩河郡邑山川雄峻土厚水深間氣所鍾篤生英俊  
代不乏人載在史冊按籍可稽父老傳聞輿論可採  
或政績文章或武功事業其所建樹雖有不同皆為  
人傑

本朝名臣接武節著封疆勲銘鐘鼎人才之盛度越前

欽定四庫全書

甘肅通志  
卷三十四

代尤當紀載流芳奕禩志人物

臨洮府

漢辛慶忌字子真狄道人酒泉太守武賢子少以父任  
為右校丞隨長羅侯常惠屯田烏孫赤谷城與歙侯  
戰陷陳卻敵惠奏其功拜為侍郎遷校尉將吏士屯  
焉耆國還為謁者尚未知名元帝初補金城長史舉  
茂才遷郎中車騎將軍朝廷多重之者遷張掖太守  
徙酒泉所在著名成帝初徵為光祿大夫遷左曹中

郎將至執金吾大將軍王鳳薦其通於兵事明略威重

任國柱石迺復徵為光祿大夫執金吾後坐小法左

遷雲中太守丞相司直何武上封事謂慶忌宜在爪

牙官以備不虞尋拜為左將軍時朱雲欲請上方斬

馬劍斬佞臣張禹頭上怒下雲將戮之慶忌叩頭流

血爭之得免慶忌居處恭儉食飲被服尤節約為國

虎臣遭世承平西域親附敬其威信年老卒官長子

通為護羌校尉中子遵函谷關都尉少子茂水衡都

欽定四庫全書

甘肅通志  
卷三十四

尉出為郡守皆有將帥之風宗族支屬至二千石者

十餘人

魏辛毗字佐治其先自隴西徙陽翟毗兄評從袁

紹魏王曹操為司空辟毗毗不得已應命表毗為議

郎遣毗平下辨還為丞相長史文帝踐祚遷侍中帝

欲徙冀州十萬戶實河南毗諫帝不答起入內毗引帝

裾帝奮衣不還良久乃出曰佐治卿何持我太急耶

乃徙其半帝以射雉為樂毗諷之亦為希出帝大舉

征吳毗止之帝不從卒無功劉放孫資用事而毗不與往來子敞諫之毗正色曰吾之立身自有本末孫劉不過令我不作三公而已焉有大丈夫欲為公而毀其高節者耶終衛尉諡肅侯

晉李含字世容隴西狄道人舉孝廉會州刺史郭奕素聞其賢擢含為別駕遂處羣僚之右尋轉秦國郎中令領始平中正後河間王顥表為征西司馬甚見信任終河南尹

欽定四庫全書

甘肅通志  
卷三十四

三

辛謚字叔重狄道人少有志尚博學善屬文性恬靜不妄交遊召拜太子舍人諸王文學累徵不起永嘉末以謚兼散騎常侍撫慰關中謚以洛陽將敗故應之及長安陷沒劉石辟命並不應處喪亂之中頽然高邁視榮利蔑如也及冉閔僭號復備禮徵謚謚遣閔書勸其歸身本朝因不食而卒

辛勉字伯力狄道人父洪左衛將軍勉博學有貞固之操懷帝累遷為侍中及洛陽陷隨帝至平陽劉

聰欲署為光祿大夫勉固辭不受聰遣其侍郎喬度齎藥酒逼之勉曰大丈夫豈以數年之命而虧高節事二姓哉引藥將飲度遽止之曰相試耳君真高士也嘆息而去聰嘉其節為築室於平陽西山月致酒米勉亦辭而不受年八十卒

李暠字大業狄道人性沉毅寬和美器度通涉經史習知孫吳兵法後為燉煌太守及段業僭稱王六郡推暠為大都督大將軍涼公領秦涼二州牧遣使

欽定四庫全書

甘肅通志  
卷三十四

四

間行奉表詣關國人謚曰武昭王

魏辛紹先狄道人父淵以義烈見稱西土紹先性明敏有識量才勇丁父憂三年口不甘味頭不櫛沐髮遂落盡自中書博士轉神部令遷下邳太守為政不尚苛察舉其大綱惟教人為畜牧禦敵之備及宋將蕭順之等來侵畏紹先不歷郡境而去卒贈并州刺史謚曰惠

辛子馥字元穎平原相穆之子早有學行累遷平原



相父子並為此郡吏民懷安之元顥入洛子馥不從  
莊帝反正封三門縣男天平中除太尉府司馬長白山  
連接三齊瑕丘數州之界多有盜賊子馥受使檢覆  
因辨山谷要害宜立鎮戍之所又諸州豪右在山鼓  
鑄奸黨多依之又得密造兵仗上表請罷諸冶朝廷  
善而從之後卒於清河太守

辛琛字僧貴狄道人雄之族祖祖敬宗父樹寶並  
代郡太守琛少孤曾過友人見其父母無恙垂涕久

欽定四庫全書

甘肅通志  
卷三十四

五

之後魏孝文時釋褐奉朝請榮陽郡丞太守元麗性  
頗使酒琛每諫之麗後醉輒令閉閣曰勿使丞入也  
孝文南征麗從輿駕詔琛曰委卿郡事如太守也景  
明中為揚州征南府長史刺史李崇多事產業琛每  
諍折後加龍驤將軍南梁太守崇因置酒謂琛曰長  
史後必為刺史但不知得上佐何如人耳琛對曰若  
萬一叨忝得一方正長史朝夕聞過是所願也崇有  
慚色琛寬雅有度量涉獵經史喜怒不形於色當官

奉法所在有稱卒於官

辛術字懷哲狄道人南梁太守琛之子為清河太  
守政有能名累遷散騎常侍魏武定六年侯景叛術  
破之擒蕭明遷淮南經畧使天保元年侯景徵江  
西租術渡淮燒其稻數百萬石還鎮下邳人隨北渡  
淮者三千餘家又奉文宣勅凡刺史太守鎮將犯法  
者術皆案奏殺之有犯法者朝廷以其奴婢百口及  
貲財盡賜術三辭不見許乃送詣所司不復以聞及

欽定四庫全書

甘肅通志  
卷三十四

六

王僧辯破侯景術招攜安撫城鎮相繼款附於是移  
鎮廣陵獲傳國璽送鄴尋領太常卿議定律令遷吏  
部尚書銓衡黜陟咸宜甚為當時稱譽術清儉寡欲  
勤於所職臨軍以嚴牧民以惠少愛文史晚更勤學  
雖在戎旅手不釋卷

辛雄字世賓狄道人有孝性居父憂哀毀異形殆  
不可識廉謹雅素不妄交喜怒不形於色清河王懌  
為司空辟為戶曹參軍懌遷司徒仍授戶曹參軍並

當繁劇諍訟填委雄用心平直加以嫻明政事經其  
斷割莫不悅服擇重之詔令門下尚書廷尉議獄雄  
議曰春秋之義不幸而失寧僭不濫僭則失罪人濫  
乃害善人詔從雄議於是公能之名甚盛又為祿養  
論書奏肅宗納之以雄長於世務更除司空長史詔  
雄為行臺左丞與臨淮王彧擊賊平之在軍上疏請  
明賞罰除輔國將軍尚書右丞遷光祿大夫莊帝除  
度支尚書兼侍中關西慰勞使將發請事五條帝從  
之

欽定四庫全書

甘肅通志  
卷三十四

七

李琰之字景珍狄道人少有盛名彭城王勰辟為行  
臺參軍累遷國子祭酒孝莊初討葛榮以琰之兼御  
史中尉為北道軍司馬歷車騎將軍雍州刺史琰之  
素機警善談經史百家無所不覽朝廷疑事多所訪  
質當時人士咸宗之

李延實狄道人性溫良襲父爵為清泉縣侯莊帝以  
元舅之尊超授侍中太保封濮陽郡王延實以太保

犯祖諱又以王爵非庶姓所宜抗表固辭徙封濮陽  
郡公諡孝懿

梁覽字景敷金城人其先出自安定太祖時祖顓  
為尚書封南凉公父釗為河華二州刺史封新陽伯  
至覽家世豪富貲累千金魏明帝孝昌初秦州莫折  
念生胡琛等反散財召募有三千人鎮河州從大軍  
平之歷凉河二州刺史封安德縣侯覽既為本州刺  
史盛修甲仗人馬精銳吐谷渾憚不敢出曰梁公在

欽定四庫全書

甘肅通志  
卷三十四

八

未可行也永安中詔策授世為河州刺史封郡公

趙柔字元順金城人少以德行才學知名河右沮  
渠牧健時為金部郎太武平凉州內徙京師歷著作  
郎河內太守甚有信惠

宗欽字景若金城人少好學有儒者風仕沮渠蒙  
遜為中書郎世子洗馬上東宮侍臣箴太武平凉州  
入魏賜爵卧樹男拜著作郎高允甚相褒美有蒙遜

記十卷



念賢字蓋盧金城杞人美容質頗涉經史少時有善相者過諸生競詣之賢笑曰男兒死生富貴皆前定何用相為居父喪哀毀以孝稱後以軍功封屯留縣伯從爾朱榮入洛兼尚書右僕射大統中官至都督秦河二州刺史子華性和厚有長者風官至開府儀同三司河州刺史

周辛慶之字餘慶狄道人父顯宗馮翊郡守慶之少以

文學徵詣洛陽對策第一除秘書郎魏孝莊時楊津

欽定四庫全書

甘肅通志  
卷三十四

九

啓慶之為行臺左丞後兼鹽池都將東魏攻陷正平

遂欲經畧鹽池以慶之有備乃引軍退河橋之役慶

之獨因鹽池抗拒強敵時稱其勇累官至開府儀同

三司位遇雖隆而率性儉素志量寬和有儒者風度

為當時所重又以其經明行修令教授諸生拜秘書

監卒於官

辛昂字進君慶之族子為龍州刺史咸惠咸著成

都風俗糾昂登文翁講堂謂諸生曰子孝臣忠師

嚴友信立身之要諸生感悟謂父老曰辛君教誠不可違也於是井邑肅然從化遷梓潼郡守時益州多盜昂撫綏荒梗頗得寧靜天和初陸騰討信州蠻詔昂運糧饋之民無怨言巴州萬榮叛圍郡城昂倍道兼行出其不意直趨賊壘賊望風瓦解朝廷嘉其功特進為驃騎將軍

王傑本名文達金城人善騎射有壯志魏孝武時起

家都督太祖奇其才擢揚烈將軍復潼關破沙苑爭

欽定四庫全書

甘肅通志  
卷三十四

十

河橋戰邛山皆以勇敢聞親待日隆歷遷涇州總管

少從軍旅雖不習吏事所歷州郡咸以忠恕為心百

姓慕焉卒諡曰威

隋李禮成字孝諧狄道人涼王暕六世孫年七歲與姑

子榮陽鄭顥隨魏武入關顥母每謂所親曰此兒平

生未嘗迴顧當為重器及長沈毅有行檢不妄通賓

客大統中遷太子洗馬時貴公子皆競習武事被服

有軍容禮成善騎射而從容儒服不失素望後以軍

功拜車騎大將軍時朝廷有所徵發禮成度蠻必為  
亂上表固諫周武帝從之又從帝伐齊力戰擊退之  
拜北徐州刺史未幾徵為民部中大夫隋高祖受禪  
進封絳郡公寧州刺史

辛德源字孝基狄道人子馥子沈靜好學美儀容齊  
僕射楊遵彥尚書辛術並虛襟禮敬同舉薦之中書  
劉迪又上表薦除員外散騎常侍及齊亡周尉遲迥  
起以為中郎亡去隱林慮山著幽居賦以自寄後秘  
欽定四庫全書 甘肅通志 卷三十四

書監牛弘以德源才學顯著奏與著作郎王劭同修  
國史蜀王秀奏以為掾轉諮議參軍有集二十卷又  
撰政訓內訓各二十卷  
辛公義狄道人父季慶青州刺史公義早孤母氏親  
授書傳周天和中充太學生武帝召入御前令與大  
儒講論數被嗟異從平齊累遷掌治上士開皇元年  
除主客侍郎遷并州刺史下車先決斷獄囚嘗宿廳  
事曰刺史無德令百姓繫於囹圄而能自安手罪人

聞之咸自款服後有訟者多兩讓而止仁壽初充揚  
州道黜陟大使官寮犯法無所縱舍煬帝除內史侍  
郎司隸大夫

辛彥之狄道人少孤好學博涉經史周文帝引為禮  
曹修定儀注拜中書侍郎封五原郡公宣帝時拜少  
宗伯及高祖受禪除太常少卿與牛弘撰新禮高祖  
嘗命與碩儒沈重論議重曰辛君所謂金城湯池無  
可攻之勢帝大悅拜隨州刺史在州惟貢祭物帝善  
之曰人安可無學彥之所貢稽古之力也遷潞州卒  
官諡曰宣撰墳典六官祝文禮要新禮五經異義共  
六部並行於世

唐李襲譽字茂實襲志弟也高祖已定長安召授太府  
少卿伐王世充拜潞州總管擢江南巡察大使揚州  
俗喜商賈不事農襲譽為引雷陂水築句城塘溉田  
八百頃以盡地利民多歸本業召為太府卿居家勤  
儉厚於宗族祿廩隨多少散之以餘貲寫書罷揚州

載書數車嘗謂子孫曰吾性不喜財遂至屢乏然負  
京有賜田十頃能耕之足以食河內千樹桑事之可  
以衣江都書力讀可進求宦吾歿後能勤此無資於  
人矣子元為桂州都督守桂二十八年政尚清省南  
荒便之

渾瑊本鐵勒九姓之渾部也世為臯蘭都督父釋之  
有才武從朔方軍積戰功累遷寧朔郡王廣德中與  
吐蕃戰歿城年十一善騎射隨釋之防秋朔方節度

欽定四庫全書

甘肅通志  
卷三十四

五

使張齊丘戲曰與乳媪俱來耶是歲即立功後二年  
從破賀魯部勇常冠三軍祿山反從李光弼定河北  
及從郭子儀復西京討安慶緒平史朝義大小數十  
戰功最從子儀擊吐蕃破之積功官至檢校尚書左  
僕射平章事帝狩奉天瑊率家人子弟以從奉天圍  
解分道要擊朱泚與李晟收復京城泚平加侍中封  
咸寧郡王卒贈太師諡忠武瑊天性忠謹功高而志  
益下世方之金日磾云

欽定四庫全書

甘肅通志  
卷三十四

五

渾鎬瑊子謙謹喜交士大夫歷鄧曹二州刺史有政  
聲元和中延州沙陀部苦邊吏貪殘震擾不安李絳  
建言宜選才識稱者為刺史任鎬延州會討王承宗  
義武節度使任迪簡病不能軍以鎬將家可用乃遷  
檢校右散騎常侍義武軍節度副使俄代迪簡為使  
治兵頗有法然短於韜畧不持重貶循州刺史卒贈  
工部尚書弟鐵以蔭補諸衛參軍遷殿中監開成中  
宰相言鐵嘗治郡有績授壽州刺史終諸衛大將軍

辛雲京蘭州金城人世為將家有膽畧以擒生斬馘  
常冠三軍遷太常卿史思明屯相州雲京將銳兵襲  
滏陽追破其衆加代州都督太原軍亂帝以雲京沉  
毅授太原尹進封金城郡王雲京治謹於法故軍中  
畏而信之數年太原大治加檢校尚書平章事尋加  
左僕射卒贈太尉諡忠獻

宋王淵字幾道熙州人善騎射應募擊夏國屢有戰功  
累遷熙河蘭湟路部將權知鞏州寧遠砦西羌入犯

淵大破之宣和中劉延慶討方臘以淵為先鋒賊勢張甚淵逆擊平之授閤門宣贊舍人高宗即位以淵為御營司統制帝如揚州時羣盜蜂起以淵為制置使平杭賊所向皆捷拜僉書樞密院事累加少保諡襄愍

元馬正卿名烏爾嘉臨洮人父慶祥死節正卿好學負氣會國兵破汴北見憲宗辭容端謹帝命贊斷事官事以燕故城為治所正卿以治道自任政事修舉歲

欽定四庫全書

甘肅通志  
卷三十四

五

士子料民丁於中原凡業儒者試通一經即不同編戶著為令甲儒人免丁始此常建言立常平倉舉海內賢士楊春卿張孝純輩分布諸郡號稱得人後世祖南征從行至汴令專饋餉運濟南鹽百萬斤以給公私之用所過州郡商農安業軍民不擾世祖親征額時布格正卿出私財市馬五百以助軍帝厚贍其家拜禮部尚書諡忠懿

馬祖常狄道人正卿曾孫延祐初廷試第二授翰林拜

御史以直言忤上官意去起為翰林侍講官御史中丞立朝多所建明為文自成一家言文帝謂中原碩儒惟祖常云諡文貞

趙昌本烏斯藏多族氏始附宋賜姓趙氏世居臨洮父巴莽富甲諸族昌貌甚偉有力兼入金貞祐中以軍功至熙河節度使金亡保蓮花山以其眾來歸皇子庫騰之鎮西土也承制以昌為疊州安撫使時兵興城無居民昌招逃亡立城壘課耕桑以安輯之百

欽定四庫全書

甘肅通志  
卷三十四

六

姓賴焉

趙汝楫一名重喜潘子始給侍皇子庫騰為親衛癸丑從世祖征哈剌章數有功中統元年瑄塔罕反從總帥汪良臣引兵至博索河納果爾和斯地逆戰以功授征行元帥四年從討呼圖克德濟沙卜珠台等克之使襲父職為元帥入覲賜金虎符為臨洮府達魯噶齊在郡勸農興學省刑敦教以善治聞請老不許詔其長子官綽斯戡襲為達魯噶齊陞汝楫鞏昌二十四處



宣慰使卒謚桓襄

祁望芳西域人居狄道以巨家擢守臨洮偉績著於邊陲卒封本府城隍見碑記

祁安狄道人元賜金虎符臨洮府尹歲久以廉勤見稱超授中大夫同知鞏昌便宜都總帥府事歷陞大司徒

祁恭鳴多爾濟丹子襲任臨洮知府兼宣政院都事至正十二年以王事沒於興元

欽定四庫全書

甘肅通志

卷三十四

烏瑪喇西域人元授河南光州達魯噶齊威德兼濟任滿光人立去思碑馬祖常撰文後陞授亞中大夫僉通政院事授通議大夫浙江湖州府總管

明王道亨狄道人舉建文元年鄉試弟道隆舉永樂九年鄉試忠孝並著時稱之為王氏雙鳳道亨任刑部主事卒於官道隆知內江縣政績卓異居民畏而服之

何鎖南河州人善弓馬元末為吐蕃等處宣慰使司

洪武三年率衆歸附陞河州衛指揮同知世襲居邊數年烽燧不驚邊人懷之

何賢字彥哲狄道人永樂中進士任中書舍人歷陞詹事府少詹太常寺少卿資稟穎異學問博洽精傳譯工詞翰居館閣二十年不遷德行卓冠時流卒贈禮部右侍郎謚文敏所著有五經集解續古樂章東麓文集

欽定四庫全書

甘肅通志

卷三十四

趙安狄道人永樂元年除臨洮百戶使西域從北征立功進都指揮同知宣德二年松潘番叛充左參將從總兵陳懷討平之進都督僉事四年使烏斯藏明年復以左參將從史昭討曲先斬獲多九年中官宋成等使烏斯藏命安率兵千五百人送之巴喇瑪江尋與侍郎徐晞出塞討阿台敗之鎮番正統元年進都督同知充右副總兵協任禮鎮甘肅明年冬與王驥任禮蔣貴分道進師安至刁力溝繫酋乃顏忽及奄克台等封會川伯食祿千石安勇敢有將畧與貴

禮並稱西邊良將九年卒子英為指揮使立功進都督同知

石執中字惟一蘭州人長身美髯舉永樂三年鄉試任刑部主事陞郎中獄平允擢山東右布政使直而不華勤而能慎轉浙江左布政致仕平生廉介不阿卓有定守宣帝常記其姓名於御屏賜誥褒之

王伯敬蘭州人舉永樂九年鄉試任戶科給事中鄉人有以事干之者遺以文綺數疋固卻不受鄉人云

欽定四庫全書

甘肅通志  
卷三十四

九

縱不受第一視見意曰吾窮儒一見即愛之矣不如不見之為愈也鄉人愧服而去聞者以為名言

王佐字良輔河州人世業儒常與解縉遊處家一遵

朱文公家禮鄉人化之

王竑字公度號慙菴河州衛人正統四年進士授戶科給事中豪邁負氣節正色敢言英宗北狩邸王攝朝羣臣劾王振悞國王未有旨百官皆哭伏地不起請族振錦衣指揮馬順振黨也叱百官令退竑怒奮

臂起捽順髮倒地與眾共擊之立斃王起入宮竑率

羣臣隨之王令中官金英問所欲言曰內官毛貴王

長隨皆振黨請寘於法遂出二人眾又捽殺之是時

竑名震天下會也先入犯命竑為僉都御史督兵守

禦寇退鎮守居庸關簡士馬繕院塞劾將帥不職者

壁壘一新景泰初總督漕運兼巡撫江北徐淮諸郡

大水道殣相望山東河南流移民載道竑不待奏大

發廣運倉糧賑濟前後全活無算因自劾專擅罪帝

欽定四庫全書

甘肅通志  
卷三十四

十

得疏喜曰真賢都御史也進左副都御史竑因言謹

天戒當以進君子退小人為先又陳致治保邦二十

事其言多指斥權貴天順初左遷浙江參政尋除名

編管江夏後英宗於宮中見竑疏有正倫理篤恩義

語因感悟命送還河州後以副都御史起理漕運至

徐淮淮人迎拜數百里不絕會旱漕河涸竑禱祀大

雨舟楫通行憲宗即位召為兵部尚書竑奏勅邊將

各陳戰守方畧簡練京兵勸屯政復武學時兩廣寇



未平陝西寇在河套四川趙鐸作亂江西湖廣猺獞入境竝居中調度悉合事機薦都御史韓雍為總督有成功既而竝又請復京營軍士舊額革除諸將私役宿弊及薦修撰岳正都給事中張寧上不報竝遂上章乞休以歸日惟課耕讀不問他事改號其菴曰休弘治初卒年七十五遣官諭祭葬正德中贈太子少保諡莊毅准人立祠祀之

欽定四庫全書

甘肅通志  
卷三十四

五

黃諫字廷臣蘭州人德性謙和博學多藝工隸篆行楷登正統七年進士歷官侍講學士兼尚寶卿使安南往還議定迎詔坐次等儀及卻贖等書悉按經史風節凜然交趾人稱之常過河南澠池縣以名儒月川曹正夫沒葬霍州深以為恨出金屬知縣歸葬澠池陞本院學士後謫廣州府判從學者甚眾廣人立祠祀之所著有詩經集解使南稿從古文正蘭坡集行世

聊讓字公遜蘭州人少孤貧苦學景泰五年進士任

南昌知縣以不附權貴被劾罷歸讓精於史學雖老而貧風采凜然可畏平生溫恭正直為後學師表滕佐字良輔號栗庵蘭州人少清介刻志於學景泰五年進士授監察御史肅振紀綱陞山西按察司副使轉雲南副使四川按察司所至公廉有威不避權要以剛直忤物改直隸河間府知府有惠政及人卒於官

欽定四庫全書

甘肅通志  
卷三十四

五

朱紳字大用河州人幼聰敏從王竝學景泰五年進士授監察御史風采凜然後勘問郡王事協輿情景帝書其名於屏陞浙江按察司副使巡督海道廉明公愛遠人輸誠興學校築海隄立義塚賑貧施藥重名節有靖海功尋陞貴州左布政使致仕歸汪鉅字志方蘭州人舉景泰元年鄉試任北直栢鄉知縣撫字有方持已廉介丁母憂歸邑人立去思碑服闋邑民保奏復留任栢鄉知縣

張鐸字孟宣蘭州人舉景泰七年鄉試任山西嵐縣

訓導尋為韓府教授學問該博尤長詩詞老年步履艱難王命扶掖上殿講讀士子有不循教者以王命撻之不少貸王感之後以女妻其次子

趙英字廷傑狄道人會川伯安子幼武勇景泰初任臨洮衛指揮使尋以征實刺浩沁地擒偽祁王鎖南功陞陝西都司指揮僉事協守涼州復於鎮番抹山斬獲羌首千餘級陞右軍都督府同知充總兵鎮守涼州

欽定四庫全書

甘肅通志  
卷三十四

五

段堅字可久蘭州人讀書知正學志希聖賢薛瑄門人登景泰五年進士授山東福山知縣以德化民刊布小學令邑人誦讀民俗胥化陞萊州知府治如初萊人大化服闋補南陽病近世以利祿為學乃倡明周程張朱之學集郡屬諸生親授講說士習丕變又取屬治童蒙創志學書院教之刊小學孝經論語崇正辨文公家禮教民學孝俗言授之講習建節義祠祀諸貞烈日呼諸生以道德性命之言互相辨說退

食至有英所考校朔望詣節義祠聚父老諭以正俗

大義有處子未婚婚亡自經殉節者率僚友師生素服往弔擇地合葬奏表其閭郡人愛戴如父母致政歸民攀援不忍舍立木主於志學書院祀之有容思集栢軒語錄行世子吳翰林檢討

杜榮字景華蘭州人舉天順三年鄉試任朔州知州適歲荒加意賑恤蠲徭役募開墾招流徙地方稍蕪即興學校崇風化公廉明恕民懷吏畏致政去州民

欽定四庫全書

甘肅通志  
卷三十四

五

攀泣走餞郡城為之一空居家二十餘年自處甚約足跡未嘗至公門自號樂閒老人

吳楠字彥和蘭州人舉天順六年鄉試歷任河南閬鄉山東登州陝西隆德學訓導性耿介與人寡合鄉人有仕至御史者人皆稱賀楠獨遺書云當令言路久塞吾方為子憂之言論切直人皆敬之

文志正字正夫蘭州人天順元年進士任行人建言以御史巡茶民皆便之歷陞戶部廣東司郎中明敏

練達綽有能譽初修蘭志

唐祐字良弼蘭州人舉天順三年鄉試任山東齊東知縣盡心民事一清如水取法前令姚顯微之善政士民感服

杜宣字弘化蘭州人舉天順三年鄉試任山西汾州學正學問諳博善詩文造士有方其所識拔後多至貴顯

羅睿字文哲蘭州人成化二年進士授河南西華知

欽定四庫全書

甘肅通志  
卷三十四

五

縣陞南京大理寺評事山東按察司僉事歷官以清白自持憲度嚴整吏民畏服

周敏臨洮衛人舉成化十九年鄉試四川仁壽知縣治民事神處已待物一誠不欺居官清約如寒士鄉邦以此重之

曹英字文華臨洮衛人成化進士任監察御史巡按四川監臨率稱得人歲大荒有趙鐸者嘯聚為盜英摘首惡寘大辟餘赦之悉令解散歸業以言事忤上

旨左遷湖廣邵陽知縣二年引疾致仕所著有遺興集恒齋實錄默翁集三友主人傳

姚誠字通夫蘭州人舉成化元年鄉試任山西聞喜知縣邑大饑即省徭蠲賦以賑飢民於鹽商過縣者每引勸輸粟一升以備賑後遂為例引縣東南泉水灌民田若干頃任數年興利革弊改任河南新鄭奉公守法不避權貴素喜飲以居官絕口不嘗及歸田日用淡泊如未遇時不事干謁惟以詩書教子孫卒

欽定四庫全書

甘肅通志  
卷三十四

五

年八十三所著有書經義休田集

邵宗字以道蘭州人成化五年進士任戶部主事博通經史才氣優瞻詩文不煩繩削而自合矩度所交士大夫無不推服

任僖字克敬蘭州人舉成化元年鄉試任直隸贊皇知縣公勤有為興利除害綽有治聲凡有所為事集而人不擾邑民頌之其敬兄睦族尤可稱述

孫懋字行勉蘭州人舉成化元年鄉試授河南衛輝府